

29. marts 2014

UPA 2014/138
Nikolaj Jeremiassen

Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliuusissat pillugit Inatsisartut inatsisaata allangortinneqarnissaa pillugu Inatsisartut inatsisaat nr. xx, xx. xxxx 2014-imeersumut siunnersuut.

(Avatangiisinut Pinngortitamullu Naalakkersuisoq)

Siumumit imatut oqaaseqarfigissavarput. Siumup anguniartuarpaa inuiaat kalaallit pisortanit sullinneqarnerat pitsaanerusoq, aamma annaassiniarnissamut upalungaarsimanermut ikuallannaveersaartitsinermilu kommuunit pisinnaatitaaffeqarnerunissaat innuttaasut qanimit sullinneqarneranni, kommuunit qitiusumik inissisimanerata nukittorsarneqartuarnissaa.

Inatsisip allangortinneqarneratigut anguniarneqarpoq kommunalbestyrelsemut oqartussaafiup nuunneqarnissaa, tamatuma malittigissallugu kommuunit annaasiniarnermi upalugaarsimanermut aamma ikuallattoornissamik pitsaaliuinermi annertussusiliinissaat, tamakkiisumik oqartussaafeqarnissaat anguniarlugu.

Upalungaarsimasut aaqqissuussaanagerat kommunalbestyrelsip nammineerluni ilusilersortassagaa, Inatsisartuni inatsisip allangortinneqarnissaanik siunnersuut naapertorlugu, piginnaatitsissutigineqassasoq Siumumiit pingaartutut isigaarput, tamanna aningaasartuuteqarnerunermik kommuuninut malitseqassappat kommuunit kattuffiat peqatigalugu bloktilskudit aaqutigalugit aaqqiivigineqartassasoq, ilangullugu oqaatigissuarput pingaarluinartutut isigigatsigu, inatsit kommuuninut pisussaaffiliisoq anigaasartuuteqarnerunermik ilaatigut kommuuninut nammakkiisinnaammat, soorlu tusarniaarnermi akissutini tamanna eqqumaffigeqquneqartoq.

Siumumi kaamattuutigissavarput annaasiniarnissamut upalungaarsimanermi atortut naleqqussartuarnissaat anigaasanik pisariaqartitsiviusarmat, tamatumuunakkut kommuuninut akiligassangortiinnarneqassanngitsoq, ullumikkut ilisimasavut malillugit atortut ilaatigut pingaartumik nunaqarfinni inatsisitigut minnerpaamik piumasarineqartut atortinneqarmata, kommuunini anigaasameernerup atuunnerani tamatumani eqqarsaatigalugit ikuallattoorna-veersaartitsinermi atortut. Taamatuttaaq Siumumiit pingaartutut taajumavarput kommuunini annaasiniarnissamut upalungaarsimasuutitat ilinniartitaanerata sulinermilu atugassarititat pitsangorsarneqartuarnissaat pisariaqarmat, tamanna anigaasarsiatigut ukiuni arlalingortuni aaqqiivigineqanngitsoq naleqquttumik aaqqiiviginiarlugu. Siumumiit Naalakkersuisut kaammattorpavut eqqumaffigeqqullugu, ilanngullugu upalugaarsimasuutitat pikkorissartu-

arnissaat kommuunit Namminersorlutillu Oqartussat pisussaafigissagaat ilanngullugu nalilersorluaqqarput.

Siumumi taamatut oqaaseqarluta Inatsisartut inatsisaata allangortinneqarnissaat pillugu Sanaartornermut Ataatsimiititaliami suliarineqarnissaa innersuussutigaarput.